


INTEGRA ET
PARTIBVS
nuda uenae

AB OMNIBVS
LIBERA AC
cauae delineatio.



DE HUMANI CORPORIS FABRICA LIBER III.

hac proportione non cernat quam totius corporis superficiei sedem singulae uenae perreptae. Quinetiam ex quinti, sexti & septimi librorum figuris facile constabit, cuiusmodi illae debeant esse effigies, quae cum uenis etiam partes quae illis implicantur oculis subiiciunt.

A, A, A Tres isti characteres propaginem notant a uena caua ubi iecori adnascitur, in coris gibbum passim perquam numerosa ramorum serie sinistrorsum distributam. Alteram propaginem in dextram iecoris sedem similiter diffusam characteribus non insigniunt, uti etiam nullas uenae cauae soboles, quae pariter utrinque habentur, & priuatim nihil in alio latere sibi uendicant, ne fortassis characterum copia delineationem obscuraremus. Unde et dextrum latus potius quam sinistrum characteribus liberum conspicitur.

a Huiusmodi etiam gracilior soboles a caua iecori sub grandibus illis propaginibus *A* indistinctis digeritur.

B Vena cauae sedes inter iecoris gibbum & septum transversum consistens.

C Sinistra propago duarum, quas caua septo offert, & a quibus etiam surculi in cordis involucri pertingunt.

D Cauae uenae orificium in dextrum cordis sinum pertinens. Optarim hic sedulo expendere, ut uersamque cauae delineationem accurate contemplareris, consideraturus an ne uertis hoc orificium cauae uenae principium ueniat statuendum, an ea cauae pars ubi *A* & *a* in ipso caudice scripti cernis, & ipsa uena secundum iecoris posteriora deorsum prorepat, cuius etiam gratia in dextrum latus incurruatur, tantum scilicet, quantum iecoris sedes, cui cauae caudex committitur, dextrum latus a uertebrarum medio declinat.

E Vena coronae modo cordis basin amplectens, ac deorsum per cordis substantiae exteriora ipsius usque mucronem surculos a se deriuans, & squamam seu coronalis nuncupata. Haec & si anteriori sede orificij uenae cauae hic oriri uideatur, perpetuo tamen quum simplex sit, a posteriori sede eius orificij pronascitur, uti in septima sexti libri figura ad *G* est cernere.

F, F Vena coniugis expers, quae a cauae dextro latere prodians, declinans secundum dextrum uertebrarum latus ad secundam fere lumborum uertebram descendit.

G, G Characteres isti hic atque illic ad uenae pari carentis latera repositi, uenae illius propagines sinuant, eas nimirum quae costarum offeruntur interuallis, ac postmodum in dorsalem medullam & in musculos uertebris ipsiusque costis instratos, ac etiam membranas thoracis amplitudinem tersepientes, surculos promunt.

H Cauae sub pectoris ossis elatiori sede iuxta iugulum bipartitio, quam lanij bones & porcos in laturi petunt.

I Vena primae thoracis costae innixa, atque ad alam transversam perducta, brachijque axillarem postquam aliquot propagines diffudit constituens.

K Exilis uena in sui lateris aliquot superiorum costarum succingentem membranam soboles deriuans.

L Vena sub pectoris ossis sinistro latere ad abdominis usque superiora descendens, ramosque uertebrarum costarum cartilaginum interuallis, ac demum thoracem intersepienti sui lateris membranam ac etiam musculis pectori instratis, & abdominis cuti ramos exhibens. Praecipuum autem ramum sub recto abdominis musculo dispergit, qui supra umbilicum in aliquot finiens surculos, alterum

M. uenae ab imo sursum ascendens, ac *Γ* notandae terminos respicit, ea nimirum sede, ubi *L* ascriptus.

N, N Vena per foramina transversis processibus uertebrarum ceruicis insculpta, ad caluariam prorepans, ac dorsali medullae geniculatim ramos offerens, ut & in musculos quoque inibi ceruicis uertebris adnatos, soboles dispensat. Qua uero ratione haec uena in duram cerebri membranam exhauriatur, etiam si hanc hic quoque delineare conatus sim, in peculiari de cerebri uasis figura decimo quarto Capiti praeposenda non minus discas, quam reliquarum caluariam petentium uenarum seriem.

O Vena musculis humiliorem ceruicis, & superiorem thoracis sedem iuxta uertebras occupantibus, multiplici utcumque sobole exposita.

P Vena ad musculos pectori instratos, & huius regionis cutem, & ipsam demum namillam ecurrentem.

Q. V.